

YAKOBUS Yakobusnge waje kuyarna

Maria nu Yesus te-pilna sulumba ngumneŋga nu maŋ kiŋo bailkamba turmba kile-patikina ta nyu kat nangine Yakobus Yosef Simon Yudas. Ta tuku pasa ande Mateus 13.55 mbolŋge minit.

Waje te Yakobusnge kuyarna. Maib nuŋe Yudas tuku waje mata Kuate tuku Pasa mbolŋge minit.

¹ Israel tugu 12 kilke tugu kise kise mbolŋge mine likade tane ŋakmba kaiye. Ye Yakobus Kuate le Sunŋo Yesus Kristus nale tuku piro tanŋo minet. Yenŋe tane tuku waje te kuyarmba pilet.

Piti ngamukŋge sangri tingap

²⁻³ Tira kame, tanŋine ngamunŋal son piti ngamukŋge sangri tinguwa ta bike ndakam tuku maŋau tane mbolŋge sangri tingamŋgat. Wam ta tane kila. Ta tuku tane piti yimyam kanŋerka gare-garekap. ⁴ Ngamunŋal son bike ndakam tuku sangri ta kusre ndamba biye dewap le ma ma maŋau magenu ŋakmba tane mbolŋge mayok kuwaig.

⁵ Tane wamdus kuyar mayenu te-fugumba kande tane Kuate yabaŋap le nuŋge sunŋomba tingamŋgat. Nu kilke mbol mbal tuku sunŋomba waknyate tuku. Nu tanŋo wam ande tuwit sulumba nu sawe lika nda tuwit. ⁶ Tane Kuate tala ndamba nu kumuŋ ŋga nu yabaŋap. Ande nu wamdus terokate ta nu bubrenŋe yu fitte le yu tongel tingate taŋaŋ. ⁷⁻⁸ Nuŋe mine ŋakmba mbolŋge nu wamdus kine inummba tugusemba ke ndakate. Taŋaŋ tanŋo ta Kuate tugumŋge wam ande tamŋgit ŋga idus ndawa.

⁹ Tira kame, tane tuku afu sanzal minig ta tane Yesus mbolŋge nyu sugo tade tukunu wam ta tuku ndo

payamkap. ¹⁰ Tane tuku afu aganj ndende sungomba njak minig ta Yesus tinaig tukunu kile tane kilke mbol mbal am mbolnge nyu kugatok minig. Wam ta tuku tane payamkap. Aganj ndende njak mbal mindesil bot tana pitik kugawamngaig. ¹¹ Ki promba mindesil bot tugunu piyit le lamba supika ndeka mindepiye mayenu ta ngisikate. Tanamba ndo tango aganj ndende njak nuje piro ngamuknge nu kummba nuje aganj ndende njakmba kusrekate.

Wam njayonu kam tuku tugu

¹² Tango nu piti ait mbolnge wamdus bulok pilmba sangri tingate ta nu gare njak minanu tana minit. Nu piti kuramba kumumbi mayok kuwa sulumba nu abo njak minmba minamngat. Kuate nu nuje kume purde mbal tanamba ningam tuku sakina.

¹³ Tane tagotingam tuku ait mbolnge wam njayonu kam tuku idusde ta Kuatenge ye tagoyate nga sa ndakap. Andenge Kuate wam njayonu kam tuku tagowam kumu kuga. Nu mata tango ande wam njayonu kam tuku tago ndate. ¹⁴ Tango nu nuje nzali njayonunge nu didikate sulumba wam njayonu kam tuku tagote. ¹⁵ Nu nzali njayonu kam tuku idusmba minit ma ma nzali njayonu temayokmba unekate. Uneka minit le ma ma wam njayonu ta sungoka nu te-ngisite.

¹⁶ Tira kame, tane kuraukap. Tane wamdus mbarbekaig. Kuate nu sine unekam tuku tago ndasingit. ¹⁷ Aganj magenu njakmba nu tugumnge ndekade. Bulu njakmba mine likade Kuate nu tugu. Nu samba tuku bulu kise mayok kinig tanamba nu kise mayok nda kinit. Nu purfernu ndo minmba minit. ¹⁸ Nuje nzali mayok kina le nu nuje pasa tugusekmbi sine kile-patikina le sine nu

tuku mbal ḡakmba ḡgamukḡḡe sine ambonḡa nu tuku kiḡo kame mayok kageḡ.

Sine Kuate tuku pasa ismba kumube

¹⁹ Tira kame, wam te kila palpe. Tane pitik pasa isam tuku kilba palpe. Pitik ndo pasa saka gubra te ndakap. ²⁰ Tanḡo nu gubra tate ta Kuate nu nzalite maḡau mayenu te-mayok ndate. ²¹ Ta tuku tanḡine wamdus kutur tanḡine wam ḡaigonu ḡakmba kusrekap sulumba tane ḡgan minmba Kuate nu nuḡe pasa tanḡine wamdus sinamḡḡe pilna ta kumnemḡḡe minap. Kuate tuku pasa tanḡe tane tuku muskil kile-tidiḡḡe tiḡgam kumuḡ.

²² Tane Kuate tuku pasa ismba kumu-kumuwap. Nu tuku pasa isendo kade sulumba sine kumuḡ ḡgade ta tanḡine wamdusḡḡe yabritiḡḡit. ²³ Tanḡo ande nu Kuate tuku pasa isendo ka kumu kumu ndate ta nu tanḡo ande kanummbi nuḡe tumail kiḡḡeḡmba kaḡḡerte taḡaḡ. ²⁴ Nu nuḡe tumail kaḡḡerte sulumba nu kumba nuḡe tumail ndaḡ ndaḡ ta nu pitik giḡaiḡḡate taḡaḡ. ²⁵ Ande nu Kuate tuku pasa purfeḡnu tanḡo tuku muskil kile-tidiḡḡate ta ismba nu lato lato kila pilit sulumba giḡai ndaḡḡa kumu-kumuwa ta nu gare sunḡo ḡak minit.

²⁶ Ande ye Kuate dubimba mbariḡet ḡgate sulumba nu nuḡe mane kulat ndaka fare fare pasa kile-mayokkate ta nuḡe wamdusḡḡe yabrite. Nuḡe mbariḡte maḡau ta alo kugatok. ²⁷ Tane nane munzanu mbal pino kuembol nane tuku piti sinzaḡniḡmba turkap. Tane kilke te tuku maḡau ḡaigonu ḡakmba kusrekap. Mbariḡ maḡau ta Kuate am mbolḡḡe tugusek.

2

Tanḡo tuku mindepiye pile ndaniḡḡap

¹ Tira kame, siŋgine Sunjo Yesus Kristus Kuate tugumŋge nyu sunjo ŋak minit ta tane nu tuku mbal minmba ŋgarosu mindepiye mbolŋge tanjine tira kame pile ndaningap. ² Pasa te tane katesewam tuku satinŋamngit. Kusem ait mbolŋge ande nu tawi mayenu tinjmba mindepiye mayete le ande nu sanzalnu tawi urfunu tinjgit le nale kumu kumu prowik. ³ Tane tanjo tawi mayenu ŋak nu make pilmba sakade: O tira, ne sine tugum tenge mbili mayenu mbolŋge minyoka ŋga sade sulumba tanjo sanzalnu ta ake agaŋ ŋga ne ka siŋge tinja ko pro ibeŋ tenge minyoka ŋga sade ta ⁴ tane Yesus tuku manjau mbilmba wamdus tugusekmbi muŋgu pile ndangade.

⁵ Tira kame, tane ye tuku pasa te isap. Kuate nu ima kate Yesus tuku son ŋga nu kulatkate ma sinam kambim tuku madiningina. Agaŋ ndende sunjomba ŋak mbal e ko sanzal mbal? Nane kilke mbolok mbal am mbolŋge sanzalnu minig mbal ta madiningina. Kuate nu tanjamba nuŋe kume purde mbal nu ndoŋ minmba minamŋgaig ŋga sakina. ⁶ Tane ndaŋam tuku mbal ta tumail paninŋig? Ima katenge piti sunjo tinjmba tane didika kilmba ka pasa mbolŋge kile-tidinŋade? Agaŋ ndende sunjomba ŋak mbalŋge tanjade. ⁷ Yesus tuku nyu mayenu tane tinaig ta agaŋ ndende sunjomba ŋak mbalŋge ŋayo silide.

⁸ Kuate tuku pasa ande teŋenmba sakate. Tane tanjine ŋgarosu tuku kume purde tanjamba ndo tane tugumŋge minig mbal tuku kume purap ŋgate. Tane Kuate tuku tukul sunjo ta kumu-kumumba minap. ⁹ Tanjine ammbi tanjine muŋgu pileŋgade ta Kuate tuku tukul pasa tanje tane mbarde wam ta te-mayokmba tumtinŋit. ¹⁰ Tane Kuate tuku tukul pasa ŋakmba dubika ndindo ndo lukawap ta tane tukul ŋakmba lukakanu tanjaŋ. ¹¹ Ta ndaŋam? Kuate nu tukul ande teŋenmba sakina: Tanjo pino muŋgu kuayar ndakap ŋgina. Nu tukul ande mata sakina: Tanjo

ande bale ndawap ngina. Tane mun̄gu kuayar ndakade sulumba ande balewap ta tane Kuate tuku tukul pasa ngakmba lukakanu taṅaṅ.

¹² Tukul kitek Yesuṅge pilna ta sine tukul ta alonu du-bikeg e ko kuga. Kuate nu taṅamba sine pilesingamngat. Sine ta idusmba mun̄gu kume purkube. ¹³ Ande nu tukul maṅau kitek dubi ndamba afu mape ndakuwa ta Kuate nu taṅgo ta pilemba mapewe nda. Ande nu afu mapeka minwa ta pilewam tuku kame nu laipamngat.

Ngamunggal tugusek

¹⁴ Tira kame, ande nu sakate: Ye Kuate tuku saṅgri tomba tiṅget ngate sulumba maṅau ta tuku alonu kile-mayok ndakuwa ta Kuateṅge nu tuku muskil te-tiwe tuwe nda. Nu ngisinungat. ¹⁵ Taṅgine tira ande tawi le nyamagaṅ tuku denkuwa le ¹⁶ tane nu samba ose tira, ne wamduṅ bulok ngak kaye sulumba ngamunggal mukuk mina nga sawap sulumba nu tur ndawap ta pasa ta nu ndaṅmba turamngat nga idusde. ¹⁷ Wam ndui taṅaṅ ndo ande nu Kuate tuku saṅgri tomba tiṅgate sulumba ta tuku alonu kile-mayok ndakate ta nu ngamunggal son kugatok minit.

¹⁸ Ande nu ye tuku pasa te isam mbulmba teṅenmba sakamngat. Ne wam magenu kumba minit ta ye Kuate tuku saṅgri tomba tiṅget ngamngat. Nu taṅamba sayuwa ta ye nu teṅenmba kusnawamngit. Ye wam magenu ke liket maṅau ta mbolṅge yiṅge ngamunggal son ne tumnam kumuṅ ta ne ngamunggal son ngate ta ame maṅaumbi tumyamngat. ¹⁹ Mbara ndindo ndo minit nga ne son ngate ta maye ta bukla ngaigonu nane mata Mbara ndindo ndo minit nga kuru kuru sun̄go tade. ²⁰ Ne siṅka nginṅan taṅgo ande. Ande nu Kuate tuku son ngate sulumba nu wam magenu ke ndakate ta nu ngamunggal son kugatok minit nga sawamngit.

²¹ Ye pasa tembi tumtingamngit. Singine mbuŋ Abraham nu nuŋe kiŋo atrau mbain mbolŋge pilmba balemba Kuate tuku atraukam bafuna. Nu wam ta kina le Kuate nu maŋau ta kaŋgermba Abraham nu ye am mbolŋge tiŋreknu minit ŋga sakina.

²² Ata. Nu Kuate tuku saŋgri tomba tiŋgina sulumba alonu te-mayokmba wam ta kina. Wam kina ta mbolŋge nuŋe ŋgamuŋgal son kumumbi mayok kina. ²³ Taŋamba kuyar pasa Abraham tuku sakina ta kumuŋgina. Pasa ta teŋenmba. Abraham nu Kuate tuku saŋgri tomba tiŋgina le Kuate nu tuku ŋgamuŋgal son ta kaŋgermba nu taŋgo tiŋreknu ŋgina. Taŋgo te ye tuku gulab ŋgina. ²⁴ Ata. Ande nu Kuate tuku son ŋga wam ta tuku alonu turmba kile-mayokkate ta nu Kuate am mbolŋge taŋgo tiŋreknu minit.

²⁵ Ye pasa andembi maŋ tumtingamngit. Rahab nu taŋgo didik farmba minna le Yosuaŋge Zu taŋgo armba kukulnikina le pino ta tuku tumbraŋ wam katesewam pronaik le nu nale tuku pasa ismba Kuate nu kumuŋ ŋga nu nale turka lukam tuku ndin kise tumnikina. Nu wam kina ta nu Kuate am mbolŋge tiŋreknu mayok kina.

²⁶ Ne tuku kanu ŋgarosu kusrete ta ŋgarosu nu kumaknu minit. Taŋamba ndo ne ye Kuate son ŋget ŋga ta tuku alonu kile-mayok ndakate ta ne tuku ŋgamuŋgal son mata kumaknu minit.

3

Mane fudiŋndo ta saŋgri ŋayo

¹ Tira kame, sine Kuate tuku pasa kukliweg mbal nane afu sine tuku mbar maŋau kaŋgerkam tuku kulatkade. Ta tuku tane gudommba piro ta pitik nda tap. ² Sine ŋakmba mbareg tuku. Ande nu nuŋe mane tugu kulat mayete ta nuŋe ŋgarosu tuku nzali ŋakmba kile-iberŋkam kumuŋ. Taŋgo ta nu purfeŋnu.

³ Hos pongade mbal ta nane ain fudiñndo tumba nanjine nzali dubiwam tuku hos tuku mingek sinamñge patikade. Ain ñai fudiñndo tambi agañmor sunjokanu ta mbilam kumuñ.

⁴ Wañ tuku mañau mata kañgerap. Wañ sunjokanu bubre sunjo tinga wañ kadute le pinderkate. Wañ kulat tañgo nu animbi kambim tuku iduste sulumba ulum ñai fudiñndo tambi wañ sunjo ta mbilte le bubre kuerka kinit.

⁵ Tañamba ndo mane nu agañ ñai fudiñndo ta sanjri ñayo minit. Nu wam sugo ke likate ta tuku payamkate. Pa mirmin fudiñndo ta duñe sinamñge ndeka pa sunjo tingate. ⁶ Tañamba ndo siñgine mane te mata pa tañaj. Nu agañ ñai fudiñndo kilke te tuku wam ñaigonu ñakmba kile-mayokkam kumuñ. Nu Satan tugumñge wam ñaigonu kilmba ñgarosu kutur tuwit sulumba tañgo tuku mine ñayo silite.

⁷ Tañgonje agañmor yimyam, sar umañ, agañ rabmba likade, kualegañ ta ñakmba kuapi niñmba kulatkade le ñgan patikade. Nane afu buk tañanaig ta ⁸ tañgo nu nuñe mane tañamba kulatka te-ibeñam kumuñ kuga. Mane te agañ ñayonu ndo. Nu kame mbeñ tañaj kame agañ ñak minmba mburerikate. ⁹ Sine siñgine mane tembi siñgine Mam Sunjo tuku nyu te-dungeg sulumba mañ tañgo kasureg. i ... Kuate nu tañgo nuñe suk wakeina. ¹⁰ Miñge ndui tembi nyaro pasa saka kasur pasa mata sakeg. O tira kame, wam ta ñayonu ndo. ¹¹ Kule burok ndui tambi kule mayenu kaglinu turmba prowam kumuñ kuga. ¹² Fik ail mbolñge olif alonu prowam kumuñ e? Ko grep muli mbolñge fik prowam kumuñ e? Yu sinamñge mata kule prowam kumuñ kuga.

Wamdus kuyar tugusek

¹³ Tane ngamuknge ima nu ye kila sunjo ngak wamdus kuyar mayewet nga iduste. Ariya. Ne wamdus kuyar tugusek tuku alonu kile-mayokka wam magenu ke lika mine mayenu mbolnge mina sulumba naje nyu payam ndaka. ¹⁴ Ne nane afu tuku mine mayenu tuku gubra pilmba naje ngarusu ndo idusmba ngakmba tidonj panka minit ta naje nyu payamka ye wamdus kuyar mayenu ngak minet nga yabri ndaka. ¹⁵ Ande nu tanjamba wamdus kuyar pilit ta Kuate tugumnge te ndakate. Kilke te mbolok kila Satan tugumnge tate. ¹⁶ Afu nane afu tuku mine mayenu tuku gubra pilmba nangine ngarusu ndo idusmba ngakmba tidonj pankade mbal nane ngamuknge gubra manau sunjoka nane pur yimyamkade sulumba wam ngagonu gudommba ke likade.

¹⁷ Ande nu ngamunggal kuyar tugusek Kuate tugumnge tate ta nu alonu tejenmba kile-mayokkate. Nu manau purferjnu dubimba gubra kugatok wamdus mukuk minmba nu afu tuku pasa pitai ndaka nu ngakmba sinanu wam magenu nane mbolnge ke likate. Nu yabri manau kugatok wamdus ndindombi nane afu mbolnge wam tugusek ke likate.

¹⁸ Nane ngan minmba wamdus mukuk tango ngamuknge te-mayokde mbal alonu nane mbolnge manau tinreknu mayok kinig.

4

Kilke te tuku manau ndonj ulendi ndakap

¹ Ngarusu tuku nzali yimyam tangine wamdus sinamnge kame bumba minig. Ta tuku tane kualeyauka pasambi kame bude. ² Tane wam afu kilam idusde ta tane kilam fugumba ande balewam idusde. Tane wam afu kilam tuku am kikonj tingade ta kilam fugumba kualeyauka kame bude. Tane Kuate wam afu yabanj ndade

tukunu tane wam ta denkanu minig. ³ Ko tane wam afu kilam tuku Kuate yabaŋde ta tane taŋgine nzali dubikam idusde tukunu Kuate nu nda tingit.

⁴ Tane Kuate ndo idus ndade. Ande nu kilke te tuku maŋau ndoŋ ulendikate ta nu Kuate tuku ŋgueu minit. Wam ta tane kila. Tane kilke te tuku maŋau ndoŋ ulendikam idusde ta tane Kuate tuku ŋgueu taŋgo mayok kinig.

⁵ Kuate tuku pasa ande teŋenmba sakate. Tukul Guwa Kuate nu siŋgina ta sine Kuate ndo idusam tuku nu saŋgri ŋak sine kulatkate. ⁶ ŋgarosu tuku nzali yimyam kile-iberjka Kuate ndo idusam tuku nu ake sinaŋ sine lato lato make patikate. Kuate tuku pasa ande teŋenmba sakate.

Mbe mbolmbolkade mbal Kuate nu nane ndoŋ ŋgueu minit. Nyu te-iberjmba minig mbal nu ake sinaŋ nane make patikate ŋgate. *Sindaun 3.34*

⁷ Ta tuku tane ŋgan patika Kuate kumnemŋge minmba tane saŋgri tiŋga dirnaŋga minap le Satan nu tane kusreka kua kaŋgat. ⁸ Tane Kuate tugum kape le nu tane tugum prowamŋgat. Tane mbarde mbal tane taŋgine une maŋau kusrekap. Wamdus ar ar ŋak minig mbal tane wamdus ŋaigonu kusrekap sulumba wamdus ndindo ŋak purfeŋnu minap. ⁹ Tane taŋgine une tuku sinanu Kuate am mbolŋge malmbikap. Taŋgine nzumilkade maŋau mbilmba wamdus piti suŋgo tap. Tane gare maŋau mbilmba ye mbaren ŋga kikonu lok minap. ¹⁰ Tane taŋawap ta Suŋgo nu tane kilmba kile-mayokkamŋgat.

Tira ande pile ndawap

¹¹ O tira kame, tane taŋgine taŋgine muŋgu ŋgumnem pasa sa ndakap. Ande nu tira ande tuku ŋgumnem pasa sakate ko nu pilete ta nu Kuate tuku tukul turmba ŋgumnem pasa tumba pilete. Ne Kuate tuku tukul pilete

ta ne tukul ta dubi ndate. Ne tukul tuku ma tumba naŋe ma ta tukulŋe tate le ne tukul tuku pile taŋgo mayok kinit. ¹² Kuateŋge ndo tukul kile-mayokka sine tuku pile taŋgo minit. Ande mine ndakate. Nuŋge ndo sine tuku muskil kile-tidiŋgam kumuŋ. Nuŋge ndo sine pitaikam kumuŋ. Ne ima le tira ande pilete?

Payamkam tuku maŋau kuraukap

¹³ Tane afu teŋenmba sakade. Kite ko indole ye tum-bran suŋgo ande mbol kumba taŋge yar ndindo piroka ndametij suŋgomba kilamŋgit ŋgade. Tane taŋamba sakade mbal pasa te isap. ¹⁴ Indole wam ande prowam tuku ta tane gilai minig. Tane tuku abo guwa bidu taŋaŋ kile kaŋgereg le pitik kugate taŋaŋ. ¹⁵ Ta tuku tane teŋenmba sakap: Kuate nuŋe nzali dubiwa le sine abo minbe sulumba sine taŋamba taŋamba kamŋgig ŋga sakap. ¹⁶ Tane mbe mbolmbolka taŋgine ŋgarosu ndo payamkade maŋau ta ŋakmba ŋaigonu ndo. ¹⁷ Tane wam magenu kam tuku kila ŋak minmba ke ndakap ta tane mbarde.

5

Agan ndende tuku ndo idusde mbal piti tamŋgaig

¹ Agan ndende gudommba ŋak mbal tane pasa te isap. Tane piti sugo kaŋgerkamŋgaig ta tuku tane malmbi suŋgowap. ² Taŋgine agan ndende ta meŋgam tuku minig. Taŋgine tawi magenu subinŋe nyam tuku minig. ³ Kile kugawam tuku ait te mbolŋge tane kilke te tuku agan ndende kile-maŋgurkade ta taŋgine ndametij use purka sasukam tuku minig. Tane taŋgine miroŋ ndo idusmba ndametij tode le use purka sasukade. ŋgumnenga taŋgine mbar use purkade wam ta mbolŋge kilimok mayok ka pa taŋaŋ tiŋga taŋgine ŋgarosu pasokamŋgat.

⁴ Tane isap. Piro mbal tane tuku piro mbolŋge nyama-
gaŋ kilnaig ta tane kumumbi nane piya niŋge ndakinaig.
Piya inumnu tane tugumŋge minig taŋge tane tuku mbar
te-mayokte. Piro mbal tuku malmbi ta Kuate Suŋgo
nu isit. ⁵ Tane agaŋ ndende magenu ŋak gare suŋgo
tumba nzumilka minig mbal tane agaŋmor buk nyam
tuku kumungate taŋaŋ tane baletingam tuku ait patukate.
⁶ Tane taŋgo magenu kilmba yabri pasa mbolŋge patika
bale farninginaig ta nane naŋgine ŋgarosu turam tuku
saŋgri kugatok.

Tane ŋgan minap

⁷ Tira kame, tane wamdus bulok minmba Suŋgo
prowam tuku tairŋga minap le ma ma nu prowamŋgat.
Tane piro miro taŋgo tuku maŋau kaŋgerap. Nu nya-
magaŋ ŋgu derpurmba wamdus bulok minmba alonu
tairŋga minit le sawe piymba ka ka ki prote le nyamagaŋ
kilit. ⁸ Taŋamba ndo tane ŋgamuŋgal wamdus bulok
ŋak minmba saŋgri tingap. Suŋgo prowam tuku ait buk
patukate.

⁹ Tira kame, taŋgine taŋgine muŋgu gubra pile ndakap.
Tane taŋawap ta Suŋgo nu tane piletingamŋgat. Nu
prowam tuku ait buk patukate. ¹⁰ Tuan taŋgo kame Kuate
tuku pasa kuklimba nane piti ait mbolŋge ŋgamuŋgal
mukuk wamdus bulok minmba saŋgri tinginaig wam ta
ndo tane idusmba kumu-kumuwap. ¹¹ Nane piti sugo
kaŋgerka dirnaŋginaig tukunu nane gare suŋgo ŋak mbal
ŋgeg. Yob nu piti sinamŋge ŋgamuŋgal mukuk ŋak
minmba saŋgri tinga minna. Suŋgo nu taŋgo mapeka sin-
zaŋŋiŋgit taŋamba ndo nu ŋgumnengga Yob make pilmba
sinzaŋna.

Wam pagu pasa yeki yeki

¹² Tira kame, ye pasa sungo te satinngamngit. Tane pasa ande sakam nga ki am mbolnge ko kilke am mbolnge ko aganj ande nyu mbolnge tangine pasa sangri pile ndawap. Tane au ngam idusmba kande au ndo ngap. Kuga ngam idusmba kande kuga ndo ngap. Tane taja ndawap ta Kuate nu tane kilmba pasa mbolnge kile-tidingamngat.

¹³ Tane tuku ande piti njak ndeta nu Kuate yabanjwa. Ande nu wamdus bulok njak ndeta nu Kuate tuku nyu tedunga mune ulwa.

¹⁴ Ande nu guaze njak ndeta Yesus dubide mbal tuku gabat kame wikuwa le nane nu tugum promba Sungo tuku sangri idusmba gurej pismemba yabanjwaig. ¹⁵ Tane Sungo tuku sangri tomba tinga nunge guaze pitaiwamngat nga yabanjap ta nu tango ta tuku muskil te-tiwe tambimngat. Nu guaze tango te-tiwa sulumba nu tuku une ta njakmba sauke tambimngat. ¹⁶ Ta tuku tangine une afu tangine tangine tira kame ndorj kile-mayokka sakap sulumba tane manj mage minam tuku Kuate yabanjap. Tango tijreknu ande nu Kuate yabanjwa ta nu tuku yabanj manjau sangri njak. ¹⁷ Tuan tango Elia nu sine mineg tejen tango. Nu sawe nda piywa nga nu wamdus sangrinu pilmba Kuate yabanjna le yar kenmba tambun 6 sawe piye ndakina. ¹⁸ Nu manj sawe piywa nga yabanjna le sawe piyna le kilke mbolnge nyamaganj njakmba tinginaig.

¹⁹ Tira kame, tane pasa te kila palpe. Tane tuku ande tugusek manjau kusremba baringa ndekuwa le andenge nu te-luka tumba Kuate tugum prowa ta nu wam mayewamngat. ²⁰ Ande nu une tango tumba ndin mayenu tumte le nu ngamunggal biye mbilmba nunge mbar kusrekate ta nu tango ta tuku kanu turte le nu ngisike nda. Kuate nu tuku une sauke tuwit.

Son.

KUATE TUKU PASA
Portions of the Old Testament and The New Testament in the
Siroi Language of Papua New Guinea
Sampela hap Buk Baibel long tokples Siroi long Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709